



**Auctarium. Sive Additiones Ad Viri Clarissimi Henr. Zoesii
J.V.D. Universum Jus Canonicum**

**Geismar, Justus Moritz von
Coloniæ Agrippinæ, 1691**

Ad tit. V. de litis contest.

[urn:nbn:de:hbz:466:1-62259](#)

plures articulos. Simplex verò est, in quo continua fit narratio. *Treutl. disp. 4. Vult. ad princ. de action. Instit.* alii hunc vocant summarium, illum verò positionalem.

AD TIT. V.

De litis contestat.

Ad finem numeri 2. adde: Litis contestatio dicitur secundum Oldendorpium, cùm ab Auctore primū, deinde à reo negotii principalis fit narratio, ad hoc ut *Judex de causa incipiat cognoscere*, l. 1. C. eod. Originem habet à libertate Romanorum, ne alicuius iudicio fieret violentia in causis civilibus, quare post affirmationem actoris, & responsum rei eo animo factum, ut *Judex litem decideret*, solebant testari, id est testes rogare, ut litis contestatio dicta sit quasi duorum vel pluriū adversariorum testata ordinatio judicaria, & exinde caput *Judex habere potestatem cognoscendi, decidendi, execuendi*, juxta illa prætoris verba do, dico, addico, do judicium postul'antibus, dico sententi. m post litem contestaram, addico rem victori, & exequor illam, quod postremum dicirur legis actio, quasi iussu planè legis id fieri sit necessarium. Adeoque litis contestatio quoad originem descendit ex jure naturali, quoad solennitatem ex Romanorum auctoritate, materia sunt controversiae, quæ sine iudicio componi non possunt. Forma expositio facta iudici ab auctore & reo animo contestandi litem. Finis ut partium voluntate causa subjiciatur cognitioni judicis, ne quid violentum admittatur in sacro-

sancta iustitiae officina, & ne quis ullam de executione juris, sed de se ipso habeat occasionem conquerendi.

Adnu. 6. Quæres: an per oppositionem exceptionis lis contestata. R. si dilatoria sit, certum est quod non, quia hæc principalem petitionem actoris non concernit, questio est de peremptoria: v.g. peto à Tio decem, quia promisit, ille responderet, quod metu inductus promiserit Resp. Adhuc negativè, quia adhuc non est contradictionis responsio, neque adhuc patet, de quo *Judex cognoscere debeat*, probatur. l. ex cap. 1. eod. in 6. Ubi dicitur, quod talis exceptionis objectio litis contestationem non impedit, ergo per illam adhuc facta non est probatur 2. ex c. 2. eod. in 6. ubi dicitur quod per hoc nequaquam litis contestatio facta intelligatur, sed cā non obstante illam fieri oporteat, nisi sit exceptio talis, quæ litis finita dici ur, hæc enim si in continent probari queat, etiam litis contestationem impedit. d. c. 2.

Ojicies cap. prout x. de dolo & contum. in quo per exceptionem prescriptionis videtur lis contestata, & dicitur esse contestata, item in cap. Venerabilis inf. de except, per exceptionem permutationis seu cambii, item in cap. Raynulph. infr. de testam. per exceptionem annalis prescriptionis, item in l. sifilius 5. exceptionibus ff. de interrogat. act. Instituā actione, & oppositā tali exceptione videtur esse judicium. Respondet Gloss. in c. 2. b. tit. in 6. Aut reus directè respondet libello, se non teneri, quia intervenit pactum, & est litis contestatio, aut simpliciter dicitur

citur, pactum intervenisse, & non est litis contestatio, cuius ratio ulterior est, quod per litis contestationem debet ordinari judicium, per talem exceptionem destruatur, ergo per illam non potest fieri litis contestatio, quia eadem res diversos seu contrarios effectus parere non potest, quod hic dicitur fieret.

Quæres, an per confessionem rei iudicatur litis contestatio. **Resp.** quod non, quia per eam non fit contradicitoria responsio, & Judex non habet, super quo cognoscere incipiat, nullæ enim sunt partes judicis in consistentem. *L. proinde 2.s. in fin. ad leg. Aquil.* quia confessus habetur pro judicato. *l. 1. ff. de confess.*

NB. in Zoesio numerus septimus huius tituli omitti debet.

Ad finem hujus tituli adde: Observa ex Vallensi, quod effectus litis contestatae sit 1. quod faciat rem litigiosam. 2. Excludat dilatorias Exceptiones. 3. Inducat quasi contractum & instantiam. 4. Interrumpat præscriptionem. 5. Perpetuet actiones. 6. Faciat actiones pœnales descendere in hæredes. 7. Constituat possessorum quoad fructus in mala fide. 8. Faciat Procuratorem dominum litis. 9. Perpetuet jurisdictionem. 10. Faciat ut ad sententiam definitivam Judex procedere possit. *Iua Vallensi. h. t.*

AD TITUL. VII.

De furam. cal.

Ad Num. 6. in fin. adde. Ubi nota

versus vulgares ex Glossa in cap. I. b. tit.
Illud juretur, quod lis sibi iusta vide-
tur,
Et si squaretur, verum non inficitur.
Nil promittetur, nec falsa probatio
detur,
Ut listardetur, dilatio nulla petetur.

AD TITULUM. VIII.

De Dilationibus.

Ad num. 3. circa finem adde: Verum hodie pro consuetudine & moribus locorum inspiciendus stylus cuiusque curiæ, Judex enim pro differentia loci, temporis, & personarum dilationem moderari potest, vel augendo vel minuendo. c. 24. sub. de offic. delegat. & l. 1. C. h. t. Unde est, quod jure Canonicæ & passim moderno tempore dilations dicatur esse arbitriæ, eò quod Judex prout fert circumstantia causæ & loci, vel restringere eas possit, vel prorogare. Busius ad l. 68. n. 8. ff. de judic. Hinc etiam procedit, quod ex iusta causa, si videlicet periculum sit in mora, Judex non teneatur reum ter citare, sed sufficiat una peremptoria citatio pro trina. c. ult. inf. de dolo & coniunctum. l. 2. l. consumacia ff. de Re Judic. Vocatur autem peremptoria, quod reo sive citato perimitur via ad ulterius legitimate compareadum, eò quod habeatur pro contumaci, modo tamen in citatione particula illa peremptoriæ addatur. l. 70. ff. de judic. & d. l. 68. cum duab. seqq.

Ad num. 4. in fin. adde: Dantur etiam dilationes executoriæ, quæ sunt quatuor mensium, & dantur illi qui actione personali condemnatus est ut satisfaciat. cap. quarenti sup. de offic. de leg.